

Na osnovu člana 70. stav 1. tačka 2. Statuta Općine Vogošća („Službene novine Kantona Sarajevo“, broj 27/14 - Prečišćen tekst, 14/15 i 9/20) i člana 11. stav 1. Odluke o priznanjima Općine Vogošća, („Službene novine Kantona Sarajevo“, broj: 9/14), Općinsko vijeće Vogošća na sjednici održanoj 25.04.2024. godine donijelo je

O D L U K U **O DODJELI PRIZNANJA OPĆINE VOGOŠĆA ZA 2024. GODINU**

Član 1.

Ovom Odlukom Općinsko vijeće Vogošća dodjeljuje priznanja Općine Vogošća u povodu 24. juna Dana Općine Vogošća u skladu sa kriterijima i mjerilima za dodjelu općinskih priznanja.

Član 2.

Općinska priznanja u 2024. godini dodjeljuju se:

1. “Zlatni grb sa plaketom Općine Vogošća” dodjeljuje se:

1. Eset Muračević
2. Dženana Bešlija – posthumno
3. Spomen soba šehida i poginulih boraca i muzej hrabrosti općine Vogošća

2. „Plaketa Humanista godine Općine Vogošća“ dodjeljuje se:

1. Hadžija Halidović
2. Emir Spahić

3. “Zahvalnica Općine Vogošća” dodjeljuje se:

1. Amir Zunđa
2. Edhem Smailhodžić
3. Jasmin Žigić
4. Anes Džunuzović
5. Šemsa Sulejmanović
6. Udruženje „Mali svijet“
7. Kenan Magoda
8. Ženski nogometni klub Vogošća
9. Emir Zunđa
10. Adnan Kantić
11. Ansambli Nota Vogošća
12. Elvir Sučeska
13. Halid Kobiljak – posthumno
14. Arif Kadrić – posthumno
15. Kemal Ramić
16. Salih ef. Čato

Član 3.

Općinska priznanja iz člana 2. ove Odluke uručuju se na svečanoj sjednici Općinskog vijeća povodom obilježavanja Dana Općine Vogošća.

Član 4.

Ova Odluka stupa na snagu narednog dana od dana objavljivanja u “Službenim novinama Kantona Sarajevo”.

Broj:01-02-411/24
Vogošća, 25.04.2024. godine



O B R A Z L O Ž E N J E

Pravni osnov za donošenje Odluke o dodjeli priznanja Općine Vogošća za 2024. godinu je:

- član 70. stav 1. tačka 2. Statuta Općine Vogošća („Službene novine Kantona Sarajevo“, broj 27/14 - Prečišćen tekst, 14/15 i 9/20) koji glasi: „Općinsko vijeće donosi Odluke, druge propise i opće akte i daje njihovo tumačenje“.
- Član 11. Odluke o priznanjima Općine Vogošća, („Službene novine Kantona Sarajevo“, broj: 9/14) koji glasi: „Odluku o dodjeli priznanja donosi Općinsko vijeće na prijedlog Komisije za odlikovanja i priznanja“.

Finansijska sredstva za realizaciju Odluke o priznanjima Općine Vogošća za 2024. godinu planirana su u Budžetu Općine Vogošća.

U skladu sa Odlukom o priznanjima Općine Vogošća, („Službene novine Kantona Sarajevo“, broj: 9/14), Komisija za odlikovanja i priznanja Općinskog vijeća Vogošća je raspisala Javni poziv za predlaganje kandidata za dodjelu priznanja. U predviđenom roku pristiglo je 28 prijedloga od 17 predlagača. Prijedlozi su dostavljeni od političkih organizacija, vijećnika, mjesnih zajednica i udruženja. Analizirajući sve pristigle prijedloge utvrđeno je da je za ZLATNI GRB SA PLAKETOM OPĆINE VOGOŠĆA bilo 5 prijedloga od strane 9 predlagača, za HUMANISTU GODINE OPĆINE VOGOŠĆA 2 prijedloga od strane 1 predlagača i za ZAHVALNICU OPĆINE VOGOŠĆA 21 prijedlog od strane 10 predlagača.

Nakon razmatranja prispjelih prijedloga, Komisija za odlikovanja i priznanja Općinskog vijeća Vogošća

PREDLAŽE ZA “ZLATNI GRB SA PLAKETOM OPĆINE VOGOŠĆA”

1. Eset Muračević

- Rođen je 3. januara 1955. godine u Peševićima kod Zenice. Od 1965. godine živi u Vogošći.
- Od 1974. do 1981. godine radio je u UNIS-ovoj tvornici „Pretis“ OOUR „TDM“ u Vogošći na poslovima održavanja mašinskih kapaciteta, zatim poslovima informisanja radnika, a kasnije kao prvi sekretar Poslovnog odbora „Pretisa“. Od 1. avgusta 1981. godine (sem 1990. godine kada je obavljao dužnost sekretara Opštinske konferencije Socijalističkog saveza radnog naroda BiH Vogošća) do agresije na Republiku Bosnu i Hercegovinu 1992.-1995. godine radio je u vogošćanskoj MZ Svrake kao njen sekretar.
- Tokom Agresije na Republiku Bosnu i Hercegovinu uhapšen je i prinudno zatočen u logor „Kasarna JNA“ u Semizovcu, a potom prebačen u logor „Bunker“ kod pansiona „Kon-Tiki“ u Vogošći. U logor „Planjina kuća“ u Svrakama prebačen je 11. avgusta 1992. godine odakle je 5. decembra iste godine izveden na prisilni rad na brdo Žuč kod Sarajeva. Korišten je kao „živi štiti“ iz kojeg je prebjegao na slobodnu teritoriju pod kontrolom Armije Republike Bosne i Hercegovine.
- Bio je pripadnik „Patriotske lige Bosne i Hercegovine“ od njenog osnivanja. Tokom rata, kao pripadnik „1. Mehanizovane brigade“, te „1. Slavne motorizovane“, kasnije „111. viteške brigade“ Armije Republike Bosne i Hercegovine, tri puta je teže ranjavan. Ratni je vojni invalid sa procentom invalidnosti od 50 posto. Stekao je i čin Nadporučnika Armije Republike Bosne i Hercegovine.
- Od oktobra 1997. do oktobra 2000. godine obavljao je i funkciju Predsjedavajućeg Općinskog vijeća Vogošća. Od 11. marta do 5. oktobra 1996. godine bio član je prelazne Skupštine Kantona Sarajevo.
- Dao je nemjerljiv doprinos u traženju posmrtnih ostataka osoba koje su tokom minulog rata ubijene u agresorskim logorima na području Vogošće, te lociranju i izvođenju pred lice pravde onih koji su tokom minulog rata činili zločine. Prošle godine, u dalekoj Arizoni (SAD) locirao je jednog stražara iz logora „Bunker“ te je sa još četvoricom svojih sapatnika, o njegovim zločinima, svjedočio pred sudom u Americi.
- Eset Muračević je pisac, pjesnik, novinar, publicist i karikaturist.
- Pored aforizama piše: dokumentarna djela kojima ostavlja trag o onom šta se dešavalo u Vogošći tokom minulog rata; poeziju, bavi se fotografijom i slikarstvom. Saradnik je više dnevnih i sedmičnih listova u Bosni i Hercegovini i široj regiji.
- Jedan je od koautora zbirki pjesama: „Plava svitanja“ i „Bobarsko biserje“ te autor zbirke pjesama „Posljednji krug“, zbirke pjesama „Zapis o Bosni“, zbirke aforizama „Peta lična“, autor knjige

aforizama, karikatura, humoreski i novinskih tekstova „Bečka škola“, knjige „Ubijene i nestale žrtve zločina u Vogošći 1992-1995.“ i koautor prvog dokumentarnog filma „Posljednji krug“ o stradanju građana Vogošće tokom agresije na našu zemlju, , knjige „Sjajni od zlata, knjige „Peta lična-aforizmi i koronavirusizmi“ itd.

- Dobitnik je i nagrade "Zlatna jabuka 2004" za "poseban doprinos promociji i razvoju muzičkog stvaralaštva na Balkanu i u Svijetu". Dobitnik je više Zahvalnica, Pohvala i Povelja.

2. Dženana Bešlija - posthumno.

- Rođena je u Sarajevu 01.04.1959. godine.
- Završila je Ekonomski fakultet u Sarajevu 1982. godine. Bila je zaposlena u Općini Vogošća, kao rukovodeći državni službenik. Živjela je i radila u Vogošći, bila udata i majka dvoje djece.
- Po izbijanju Agresije na BiH i okrutnog protjerivanja muslimanskog stanovništva iz Vogošće, napustila je mjesto stanovanja, te kao majka i supruga borca Armije BiH cijeli rat provela u Sarajevu kao izbjeglica u svom rodnom gradu. Radno iskustvo: Komercijalni poslovi u nabavci i prodaji u preduzeću UNIS UTL Vogošća, najsloženiji spoljnotrgovinski poslovi u Marketingu RTV BiH, poslovi stručnog saradnika u Službi za privredu, budžet i finansije Općine Vogošća, pomoćnik načelnika za privredu, budžet i finansije, integrisani lokalni razvoj i društvene djelatnosti u Općini Vogošća i pomoćnik načelnika za privredu, integrisani lokalni razvoj i društvene djelatnosti u Općini Vogošća. 2022. godine odlazi u penziju nakon 45 godina radnog staža. 2023. u novembru preminula je nakon kraće bolesti.
- Uvijek je bila spremna bezuvjetno pomoći drugima i nikoga nije odbijala. Bila je osoba sa izraženom empatijom kako prema svojim najmilijima, tako i prema strancima, prijateljima, radnim kolegama i saradnicima. Uvijek je izazivala pozitivne reakcije kod ljudi i dobivala odobrenje u društvu. Bila je filantrop, osjećajna za okolinu, volila je ljude, a posebno je oplemenila živote svoje uže porodice. Bila je vješta i sposobna za stvaranje društveno značajnih akcija za razvoj i napredovanje svoje okoline.

3. Spomen soba šehida i poginulih boraca i muzej hrabrosti općine Vogošća

- Otvorena je 2020 godine, kao spomenik trajnog sjećanja na 412 Vogošćanskih heroja. Prethodio je višegodišnji rad na prikupljanju arhivske građe informacija, te isključivo autentičnih eksponata iz perioda 92-95, kao što su oružja koja su pravljena od vodovodnih cijevi, minsko eksplozivnih sredstava, projektila, municije, kao i dokumentacije.
- Prikupljeno je preko 2000 autentičnih eksponata i snimljenog dokumentarnog filma reintegracija Vogošće „ Povratak na svoje“ uz partnerski odnos sa Općinom Vogošća.
- Pored historijskog značaja Spomen soba je zamišljena i kao edukacioni centar, te je sa svim osnovnim školama i srđnoškolskim centrom Vogošća ostvarena saradnja na način održavanja historijskog časa, te su svi učenici time i posjetili ovaj objekat.
- Prema knjizi događaja kojom se vodi evidencija posjeta Spomen sobu Vogošća- Muzej hrabrosti od dana otvaranja do danas posjetilo je oko 10.000 ljudi. Na obilježavanju godišnjica otvaranja, oba puta do sada su prisustvovala dva člana Predsjedništva Bosne i Hercegovine Željko Komšić i Denis Bećirović. Spomen sobu Vogošća su posjetile mnoge delegacije svih nivoa vlasti od kojih izdvajamo posjetu podpredsjednika Federacija Lendo Refika, te gradonačelnice grada Sarajeva Karić Benjamine, federalni i kantonalni ministri za boračka pitanja, Udruženje generala Armije BiH itd.
- U toku svoga rada snimljen je dokumentarni film „Oni vječno žive“ koji obuhvata naše heroje po kojima su nazvane vogošćanske ulice, institucije, trgovi itd., a u pripremi su knjiga „Oni vječno žive“ kao i Monografija 412 za 412 vogošćanskih šehida. Također se redovno obilježavaju značajni datumi Općine i države Bosne i Hercegovine, gdje se u prostorijama spomen sobe održavaju razgovori, sesije sa živim učesnicima tih događaja, a iste se prenose uživo na facebook platformi.
- Spomen soba Vogošća je jedna od inicijatora tužbe protiv Milorada Dodika za negiranje genocida i obilježavanja neustavnog dana RS 9. januar, te je ista predata tužilaštvu Bosne i Hercegovine. Spomen soba Vogošća kroz svoj plan i aktivnosti djeluje na zaštiti, njegovanju kulture i tradicije „Odbrambeno-oslobodilačkog rata 1992-1995“

KOMISIJA PREDLAŽE ZA „HUMANISTA GODINE OPĆINE VOGOŠĆA“

1. Hadžija Halidović

- Rođen je 15.01.1968. godine u Makedoniji u gradu Struga-Labuništa. Samo njegovo ime je specifično, a svjedoči svakidašnju privrženost vjeri njegove porodice. Porodica Halidović je čak i u Adapazaru u Turskoj graditelj i vakif džamije i drugih vjerskih i stambenih objekata, koji su u tom periodu bili potrebni Bošnjacima nastanjenim u tom području.
- U periodu agresije na Bosnu i Hercegovinu, vrata kuće Halidović su bila širom otvorena za unesrećene i agresijom prognane Bošnjake i Bošnjakinje. Velikim iznosima finansijske pomoći pomagali su Armiji Republike Bosne i Hercegovine i na taj način pomogli opstanku Bosne i Hercegovine i Bošnjaka u njoj. Nakon agresije, zbog velikog broja zasluga, Hadžija Halidović i njegova braća od tadašnjeg vrha Države dobivaju Državljanstvo Bosne i Hercegovine.
- Najvećim dijelom je finansirao projektovanje i izgradnju objekta Mjesne zajednice na Kobiljoj Glavi.
- Njegova porodica izgradila je džamiju i imamski stan u Hotonju, za sta je njegov otac dobio vakufninu. Veliki iznos sredstava sa braćom donirao je za izgradnju centralne džamije u Vogošći i finansirao je obnovu fasade na munari džamije na Kobiljoj Glavi.
- Pored ovih velikih projekata i građevina koje je gradio ili učestvovao u gradnji, njegova dobrotu, širokogrudnost i veliko srce je sve vrijeme bilo otvoreno i za ljude u stanju potrebe, te svake godine podijeli desetine paketa i toj skupini ljudi, kao i vjernicima koje od srca obrađuje svaki Ramazan takvom vrstom hedije.
- Stotine učenika je stipendirao, a da mnogima ni ime nije znao.

2. Emir Spahić

- Rođen je 03. 12.1989. godine u Tuzli. Posljednjih deset godina društveno aktivan. Entuzijazam i želja za pomaganjem drugih je prerasla u profesiju i životno opredjeljenje. Drugim riječima, njegova životna misija je postala pomaganje drugih te činjenje aktivnosti koje su od društvenog značaja.
- Prije 10 godina je postao aktivni član udruženja „Izvor dobročinstva“, a od prošle godine predsjednik je novootvorenog udruženja „Trajno dobro“. Humanitarni posao koji obavlja, sam po sebi, podrazumijeva širok spektar poslova.
- U svojim aktivnostima je posjetio stotine naših porodica u skoro svakoj od 144 bosanskohercegovačke opštine, promovirajući svoju Vogošću iz koje dolazi, te noseći sa sobom sve pozitivne vrijednosti našeg naroda. Na kraju, krajnji cilj jeste pomoći što većem broju najugroženijih članova našeg društva, te upravo te vrijednosti prenijeti i na druge iz naše okoline.

KOMISIJA PREDLAŽE ZA „ZAHVALNICU OPĆINE VOGOŠĆA“

1. Amir Zunda

- Rođen je 06.02.2012. godine u Sarajevu, a živi u Vogošći. Učenik je VI razreda O.Š. „Mirsad Prnjavorac“ i od početka svog školovanja odličan je učenik. Osim što je uspješan u školi, Amir je uspješan i kao sportista.
- Već sedam godina trenira karate u Karate klubu „SAMBON“ Vogošća, nosilac je smeđe-crnog pojasa i pod budnim okom trenera Kenana Alikadića i Amira Varajića posljednjih nekoliko godina postiže veoma zapažene rezultate, pri čemu je osvojio preko 40 medalja na Balkanskim prvenstvima, prvenstvima Kantona Sarajevo, FBiH i BiH, te domaćim i međunarodnim takmičenjima.
- U junu 2023. godine bio je učesnik najprestižnijeg takmičenja u karateu za djecu, Svjetskog kupa za mlade u Poreču - Hrvatska, gdje je dostojno predstavio svoj klub i svoju Općinu Vogošća, te osvojio treće mjesto i bronzanu medalju, čime je postao prvi sportista u dječijoj konkurenciji sa područja Općine Vogošća koji je osvojio medalju na Svjetskom kupu za mlade u karateu.
- Izdvajamo Amirove najznačajnije rezultate:
 - Svjetski kup za djecu - juni 2023. godine, Hrvatska – bronzana medalja,
 - Balkansko prvenstvo za djecu - juni 2022. godine, Srbija – srebrna medalja,
 - Balkansko prvenstvo za djecu - maj 2023. godine, Crna Gora – bronzana medalja,

- Grand Prix Croatia - januar 2023. godine, Hrvatska – bronzana medalja,
- Prvenstvo BiH za djecu - april 2023. godine, Zenica – zlatna medalja,
- Prvenstvo BiH za djecu - april 2022. godine, Zenica – bronzana medalja,
- Prvenstvo FBiH za djecu - mart 2023. godine. Zenica – zlatna medalja,
- Prvenstvo FBiH za djecu - mart 2022. godine. Mostar – zlatna medalja,
- Prvenstvo KS za djecu - decembar 2023. godine – zlatna medalja,
- Prvenstvo KS za djecu - decembar 2022. godine – zlatna medalja,
- Hungarian Open Grand Prix - novembar 2022. godine, Mađarska – bronzana medalja,
- Karate kup „Tuzlanski pobjednik“ - novembar 2023. godine – zlatna medalja,
- Grawe kup - novembar 2023. godine – zlatna medalja,
- Vogošća Open - oktobar 2023. godine – zlatna medalja,
- Slavija Open - juni 2023. godine – zlatna medalja,
- BH Sarajevo Open - april 2023. godine – zlatna medalja,
- Iliđža Open - mart 2023. godine – zlatna medalja,
- Bašćaršija kup - februar 2023. godine – zlatna medalja;
- Amirov rad, trud, zalaganje i njegovi rezultati su prepoznati i od strane Općine Vogošća, pa mu je tako u julu 2023. godine od strane načelnika Općine Vogošća dodijeljena i sportska stipendija za postignute vrhunске rezultate.

2. Edhem Smailhodžić

- Rođen je 06.06.1952. godine u selu Čuništa, općina Olovo. Nakon osnovnog školovanja završava srednju školu-Gimnaziju. Nakon školovanja pa sve do rata radi u GP Vranica. Od rođenja lakši invalid, tako da je u toku rata bio angažovan kao učitelj gdje je postizao zapažene rezultate u radu s djecom.
- U toku rata radi u civilnoj zaštiti na zbrinjavanju izbjeglog stanovništva u mjesna domaćinstva.
- Od malih nogu zaljubljenik u enigmatiku, te tako stiče široku naobrazbu. Objavljuje u poznatim enigmatskim novinama prije rata, a tokom agresije uređuje olovski ratni enigmatski list „Orel“.
- 2005.godine počinje svoj radni angažman na RTV Vogošća, kao voditelj, montažer i tonac. Uradio je 125 emisija „Besjede“, za arhiv radija uradio je preko 100 emisija dokumentarnog programa. Na početku angažmana za RTV Vogošća uradio je 170 emisija „Bosna sa izvora“.

3. Jasmin Žigić

- Rođen je 06.04.1985. godine. Ugledni, vrijedni, istaknuti član naše zajednice koji svojim trudom i zalaganjem doprinosi našem društvu.
- Izdvaja se od drugih po svojim brojnim aktivnostima, počev od sektora obrazovanja, gdje je zaposlen, preko Vatrogasnog društva Vogošća, pa do ličnog angažmana u brojnim sportskim disciplinama.
- Aktivni sportista koji i danas učestvuje na trkama polumaratona, maratona i ultra traila sa posebnim naglaskom da uzima redovno učešće u trkama koje imaju humanitarni karakter. Poznato je da je on prvi vatrogasac koji je pod punom opremom istrčao brojne utrke od 5 i 10 kilometara, kao i da je istrčao pod punom opremom na 36 sprat Avazovog tornja, o čemu su izvještavali brojni mediji, te je time dao svoj doprinos u promociji sporta, zdravog života i općine. Pored tog uzeo je i uzima aktivno učešće u brojnim humanitarnim aktivnostima i kontinuirano pomaže našim građanima koji su u stanju potrebe u sklopu omladinskog udruženja Tempo čiji je i dalje aktivni član.
- Trenutno je Predsjednik dobrovoljnog Vatrogasnog društva Vogošća i ima polažen ispit za dobrovoljnog vatrogasca, položen kurs za prvu pomoć, a 2019. godine završava obuku za spasioca na vodi. Takođe ima položen ispit za dozvolu upravljanja čamcima na divljim vodama, kao i malim brodicama do 12 metara.
- Pored svega učestvuje u projektu prevencije i zaštite od požara u osnovnim školama. Pohađa kurs o smanjenju rizika od elementarnih nepogoda za djecu u osnovnim školama i učestvuje sa kolegama na prvoj vježbi evakuacije usljed opasnosti od požara na Općini.

4. Anes Džunuzović

- Rođen je 23.07.1972.godine u Novoj Varoši, Srbija. Završio je srednju školu – Gimnazija. Jedan od bošnjačkih novinara i publicista koji nisu česti na bosanskohercegovačkom medijskom nebu. Već godinama predano radi na temama vezanim za identitet i kulturu sjećanja bošnjačkog naroda.
- Njegov interes kreće od matične domovine pa preko svih domovinskih zemalja u kojima Bošnjaci žive i na koncu doseže do bošnjačke dijaspore u najudaljenijim zemljama svijeta.
- Novinarski rad Anesa Džunuzovića ponajviše je prepoznat u formi intervjua. Od 1996. godine kada je objavio svoj prvi članak pisao je za Sandžačke novine, Ljiljan, Saff, Kulin, Preporod, Diwan i Stav. Bilo je tu i printanih medija koji su se bavili temama uske specijalizacije, poput Zemlje, časopis za poljoprivredu, turizam i ekologiju čiji je Džunuzović bio glavni i odgovorni urednik, kao i časopis za sigurnost i zaštitu „Zaštita“, koji je kasnije preimenovan u „A&S Adria“.
- Zadnjih osam godina Džunuzović uređuje i vodi emisiju Sasvim iskreno na MTV Igman. U 25 godina novinarskog posla Džunuzović je uradio blizu 500 intervjua na različite teme: politika, ekonomija, vjera, privreda, kultura, akademska zajednica, sport, diplomatija, genocid, ratni zločin, ratne priče i dr.

5. Šemsa Sulejmanović

- Djevojčica iz Doma za nezbrinutu djecu Bjelave, koja je smještena u malom porodičnom domu na Blagovcu, učenica je vogošćanske O.Š. Zahid Baručija. Djevojčica kojoj je život od rođenja zadavao jake udarce, danas je državna prvakinja u kickboxu.
- Na 28. Svjetskom kickbox kup u Budimpešti, među 5.000 takmičara i 330 klubova, jedna od dvije predstavnice naše države, koja je donijela svojoj Bosni i Hercegovini srebro u low kick kategoriji.
- Djevojčica je koja sa ponosom predstavlja općinu Vogošća na državnim takmičenjima i nosi zastavu BiH na svjetskim takmičenjima.

6. Udruženje „Mali svijet“

- Udruženje “Mali svijet” je nevladina, neprofitna organizacija, koja teži izgradnji i jačanju civilnih inicijativa i građanskog društva u lokalnoj zajednici na demokratskim principima, principima tolerancije, te aktivnim i odgovornim zalaganjem u društvenim događajima. Radi na ekološkoj edukaciji mladih i podizanju svijesti građana, kako bi se oni odgovorno ophodili prema životnoj sredini, što je od vitalnog značaja i predstavlja osnovnu kariku u mehanizmu uspostavljanja održivog razvoja i očuvanja prirodnih resursa. Koristi sve potencijale lokalnih zajednica u ruralnim područjima, da bi ona postala atraktivno mjesto življenja. Razvija resurse za podršku i osnaživanje mladih kako bi realizovali vlastite potencijale i imali jednake ekonomske i društvene mogućnosti.
- Udruženje kontinuirano radi ekološke projekte na području općine Vogošće u saradnji sa sufinansijerima kao što su, Općina Vogošća, Ministarstvo privrede KS, UNDPi kao i drugi pravni subjekti, te Osnovne škole na području općine Vogošća i Srednjoškolski centar u Vogošći.

7. Kenan Magoda

- Rođen je 12.01.1984. godine u Sarajevu. U Sarajevu je završio Fakultet za sport i tjelesni odgoj. Na poziciju generalnog direktora rukometnog kluba „Bosna“ došao je 2008. godine postigavši zavidne rezultate. Kroz dalji radni vijek sticao je iskustvo iz oblasti marketinga, prodaje, produkcije, te godinama aktivno učestvovao u organizaciji Sarajevo Film Festivala. 2021. godine dolazi na poziciju Predsjednika Turističke zajednice Kantona Sarajevo gdje je ostvario zavidne rezultate i učinio da turizam u Kantonu Sarajevo značajno uznapreduje.
- Danas obnaša funkciju ministra kultura i sporta Kantona Sarajevo. Još za vrijeme mandata u Turističkoj zajednici Kantona Sarajevo podržavao je razne projekte od značaja za Općinu Vogošća. U mandatu ministra koji traje od 24.03.2023. godine pruža podršku projektima Općine Vogošća kao što su dogradnja upravne zgrase KSC Vogošća „Jasmin Isanović Žuti“ i rekonstrukcija fudbalskog terena na stadionu „Hakija Mršo“ u Vogošći.
- Dao je do sada najveću podršku sportskim klubovima sa teritorije Općine Vogošća kao što su RK „Vogošća, FK „UNIS“, KK „Vogošća“, OK „Vogošća“, KK „Sambon“ , te učestvuje u finansiranju raznih projekata kulture i sporta na lokalitetu Općine Vogošća.

8. Ženski nogometni klub Vogošća

- ŽNK Vogošća je osnovan u augustu 2021. godine kao jedan od najmlađih klubova u ženskom fudbalu i treći fudbalski klub u Sarajevu koji je namijenjen djevojčicama. Do danas se za svoj profesionalni razvoj u ovom klubu odlučilo preko 50 članica koje su prepoznale kvalitet, unikatni način rada i mogućnosti koje im se pružaju o okviru ŽNK Vogošća. U popriličnom kratkom periodu od tri godine, klub je učestvovao na velikom broju takmičenja, ostvario zavidne rezultate, te Općinu Vogošća prezentovao u najboljem mogućem svjetlu širom BiH, ali i Balkana. Pred kraj 2023. veliki trud, zalaganja, ambicije i volja svih članova kluba rezultiraju titulom jesenjeg prvaka Prve ženske lige Federacije BiH u takmičarskoj sezoni 2023/24. Uprkos pridjevu najmlađeg kluba i historiji od dvije godine, ŽNK Vogošća je uspio ono što klubovi s mnogo dužom historijom i mnogo većom podrškom još uvijek pokušavaju postići.
- Danas je ŽNK Vogošća poznat širom BiH i regiona kao respektabilan partner, prijatelj, ali i rival. Put i priču kluba ispratili su mediji poput RTV Vogošća, TVSA, Hayat i FaceTV. Podršku u toku razvoja pružalo je nekoliko institucija. Međutim, sport u BiH, a naročito klubovi s potencijalom kakvog ima ŽNK Vogošća, iziskuju kontinuiranu podršku lokalnih zajednica kako bi se omogućio zajednički rast i napredak.

9. Emir Zunda

- Rođen je 28.01.2011. godine u Sarajevu i živi u Vogošći. Učenik je VII razred O.Š. „Mirsad Prnjavorac“ i od početka svog školovanja odličan je učenik. Osim što je uspješan u školi, Emir je uspješan i kao sportista.
- Već sedam godina trenira karate u Karate klubu „SAMBON“ Vogošća, nosilac je smeđe-crnog pojasa i pod budnim okom trenera Kenana Alikadića i Amera Varajića posljednjih nekoliko godina postiže veoma zapažene rezultate, pri čemu je osvojio preko 30 medalja na Balkanskom prvenstvu, prvenstvima Kantona Sarajevo, FBiH i BiH, te domaćim i međunarodnim takmičenjima. Tokom 2023. godine bio je učesnik najprestižnijih takmičenja u karateu, i to Svjetskih liga mladih u Poreču - Hrvatska i Veneciji - Italija.
- Izdvajamo Emirove najznačajnije rezultate:
 - Balkansko prvenstvo za djecu - maj 2023. godine, Crna Gora – zlatna medalja,
 - Grand Prix Croatia - januar 2023. godine, Hrvatska – zlatna medalja,
 - Prvenstvo BiH za djecu - april 2023. godine, Zenica – srebrna medalja,
 - Prvenstvo KS za djecu - decembar 2023. godine – zlatna medalja,
 - Prvenstvo KS za djecu - decembar 2022. godine – srebrna medalja,
 - Hungarian Open Grand Prix - novembar 2022. godine, Mađarska – bronzana medalja,
 - Karate kup „Tuzlanski pobjednik“ - novembar 2023. godine – zlatna medalja,
 - Vogošća Open - oktobar 2023. godine – zlatna medalja,
 - Slavija Open - juni 2023. godine – zlatna medalja,
 - BH Sarajevo Open - april 2023. godine – zlatna medalja,
 - Ilidža Open - mart 2023. godine – bronzana medalja,
 - Bašćaršija kup - februar 2023. godine – zlatna medalja;
- Emirov rad, trud, zalaganje i njegovi rezultati su prepoznati i od strane Općine Vogošća, pa mu je tako u julu 2023. godine od strane načelnika Općine Vogošća dodijeljena i sportska stipendija za postignute vrhunske rezultate.

10. Adnan Kantić

- Rođen 06.05.1975. godine u Sarajevu, odrastao u Vogošći. Osnovnu i srednju školu pohađao u Vogošći, završio je i visoku školu strukovnih studija za ekonomiju i upravu. Oženjen i otac dvije kćerke.
- Sportsku/fudbalsku karijeru je započeo u UNIS-u iz Vogošće, da bi i postao najmlađi igrač u istoriji ovog kluba koji je nastupio za seniorski tim u zvaničnim takmičenjima. Bio je član i FK Željezničar i FK Sarajevo, kao i pionirski reprezentativac ex Jugoslavije. Sportsku/fudbalsku karijeru je završio u svom UNIS-u i započeo posao sportskog radnika još prije 16 godina, te se i danas nalazi na čelu FK UNIS.
- Pod njegovim vodstvom FK UNIS je ostvario nekoliko istorijskih rezultata, kao npr., takmičenje u Prvoj ligi Federacije BiH, plasman u osminu finala KUP-a BiH, te prošle godine postao i

najmasovniji fudbalski klub u Kantonu Sarajevo i šire sa 18 takmičarskih selekcija raznih uzrastnih kategorija. Jedan je od zaslužnijih za realizaciju projekata rekonstrukcije travnjaka stadiona "Hakija Mršo".

- Dobitnik je mnogih priznanja i nagrada za svoj uspješan rad.

11. Ansambl Nota Vogošća

- Osnovan je 06. januara 2021.godine. Ansambl čine orkestar, koji broji 26 i hor 25 članova. U početku je taj broj bio puno veći, čak 96 članova. Kroz ansambl je u nepune dvije godine trajanja prošlo preko stotinu članova. Ansambl se može pohvaliti da u njemu sviraju i pjevaju djeca, omladinci iz skoro svih općina Kantona Sarajevo, čak i šire. Ansambl čine narodni i zabavni orkestar. Zastupljeni instrumenti su: harmonike, violine, gitare, klarinet, bas gitara, sintesajzeri, bubanj. U ansamblu su djeca, omladina uzrasta od 13 do 20 godina. U orkestar se mogu upisati djeca koja znaju svirati neki instrument, a u samom ansamblu se usavršavaju.
- U nepune dvije godine održali su veliki broj nastupa od kojih su: cjelovečernji koncerti na manifestaciji „Vogoščanski dani“, koncert u Olovu, Ilijašu, nastupi na svim manifestacijama koje organizuje Općina, nastupi u Hadžićima, BKC-u u Sarajevu. Ansambl svira i interpretira narodne, zabavne i starogradske pjesme. U budućnosti planiraju i komponovati i izvoditi pjesme. Na mnogim nastupima orkestar je pratio i poznate interpretatore narodne pjesme Hasibu Agić i Mensuru Bajraktarević.
- Orkestrom i horom rukovodi nastavnik muzike Taindžić Midhat. Ansambl Nota narednim godinama planira održati orkestar, hor i proširiti ga, održavati koncerte i van granica naše zemlje.
- Primarni cilj ansambla Nota je druženje omladine razvijanje kulture življenja i čuvanje tradicije naroda Bosne i Hercegovine.

12. Elvir Sučeska

- Rođen je 04.12.1976 godine, vogoščanin, ali ne po rođenju nego po opredjeljenju. Dječak iz Presjeke došavši u Vogošću prihvatio je svim srcem kao mjesto svog boravišta.
- Dugogodišnji je uposlenik Srednjoškolskog centra Vogošća gdje je prije nešto manje od dvije godine izabran za direktora škole. Sa svojim saradnicima uspostavlja mnogo bolju komunikaciju i radnu etiku što za posljedicu donosi da se prošle godine, po prvi put u istoriji Općine Vogošća osniva Gimnazija.
- Također po prvi put se sva planirana upisna mjesta popunjavaju već u prvom upisnom roku za razliku od predhodnih godina. Veliki je broj uspješno započetih i završenih projekata koji su realizirani u proteklom periodu. "Profa", kako ga odmilja zovu njegovi učenici, je poznat i po herojskom djelu kada je prije nekoliko godina spasio jednog učenika od otmice i maltretiranja kriminalaca. Svim zaljubljenicima fudbala poznat kao "Suća" što je sinonim za Vogoščanski fudbal, već gotovo trideset godina i kao takav je poznat po jednom jubileju. Naime, učesnik je svih turnira "Reintegracija Vogošće" i ne samo učesnik nego je i čak u svojoj 48-oj godini uspio da se upiše u strijelce na pomenutom turniru, kao što je radio i svih proteklih godina.
- Nosi nezvaničnu titulu najboljeg trenera za dječake u Sarajevu, a i šire, što njegovi lavovi, kako ih odmilja zove, iz mjeseca u mjesec potvrđuju osvajanjem bezbroj trofeja i medalja na turnirima širom BiH a i regiona.

13. Halid Kobiljak – posthumno

- Rođen je 08.11.1948.godine na Kobiljoj Glavi. Cijeli život živio je na Kobiljoj Glavi, kao vrijedan i pošten čovjek, uzoran suprug i otac dvoje djece. Bio je pripadnik Armije RBiH od početka do kraja agresije na BiH, a bio je i ranjen. Preko dvadeset godina je bio član Džematskog odbora Kobilja Glava.
- Tokom svog života učestvovao je u mnogim humanitarnim akcijama, te kao vrstan zanatlija davao svoj doprinos za mnoga javna dobra. Živio je život u duhu očuvanja vjere i tradicije Bošnjaka. Preselio je 08.12.2023.g u 76.godini.

14. Arif Kadrić – posthumno

- Rođen je 14.08.1947. godine u mjestu Kaoštice, Višegrad. Veći dio svog života je proveo radeći u Rusiji, Travniku i Sarajevu. Bio je dobar i odan suprug, te otac dvoje djece.
- Kao jedan od najvećih uspjeha jeste i otvaranje građevinske firme "AALKONTI" d.o.o. 1998. godine na Kobiljoj Glavi. Tokom svog života pomagao je drugima i činio veliki broj donacija, a između ostalog to su:
 - donacija OŠ "Zajko Delić" na Kobiljoj Glavi i izgradnja zidova oko škole;
 - donacija Adil-begovoj džamiji na Kobiljoj Glavi;
 - doprinos velikog novčanog iznosa donacije za temelje Džamije u Vogošći, ulica Izeta Delića bb;
 - donacija Centralnom spomen-obilježju šehidima i poginulim borcima "Šehidski nišan" na Kobiljoj Glavi, te donacija za asfaltiranje puta od Solišta prema Amku, te razna ulaganja u ulici Ejuba Delalića i okolici Solišta, kao i davanje novčane pomoći pojedinačno ljudima kojima je to bilo potrebno. Preselio je 18.05.2019. u 72. godini u Sarajevu.

15. Kemal Ramić

- Rođen je 28.08.1955.godine na Kobiljoj Glavi, Vogošća. Završio je srednju školu metalških zanimanja 1974.godine. Otvorio je samostalnu zanatasku radnju, koja i dan danas egzistira kao uspješan privredni subjekt.
- 15.06.1991.godine postaje član Patriotske lige, te se uključuje u pripremu za odbranu BiH, gdje daje ogroman doprinos zbog čega je odlikovan Zlatnom plaketom.
- U redove Armije stupa 08.04.1992. godine, prvo kao Komandir voda, a kasnije kao Komandir čete.
- Demobilisan je 07.11.1995.godine. U dva mandata je bio član Savjeta MZ Kobilja Glava.

16. Salih ef. Ćato

- Rođen je 08.11.1984.godine u Sarajevu. Osnovnu školu završio je 1999.godine, a Gazi Husrevbegovu medresu u Sarajevu 2004. godine. Diplomirao je Fakultetu islamskih nauka u Sarajevu 2010. godine, a magistrirao 2021. godine na istom fakultetu. Oženjen je i otac troje djece.
- U toku školovanja povremeno je radio kao imam (na ramazanskim praksama širom Bosne i Hercegovine), turistički vodič u Gazi Husrev-begovom vakufu i džuzhan Gazi Husrev-begove džamije 2011. godine. Kao honorarni imam je angažovan u džamatu Heća Mahala u kojem je nakon nakon konkursne procedure 2012. godine bio i stalno zaposlen.
- U augustu 2016. godine Odlukom glavnog imama Medžlisa Islamske zajednice Sarajevo premješten je u džemat Hotonj u kojem do danas radi kao imam, hatib i mualim.
- U saradnji sa Općinom Vogošća realizovao je projekat dječijeg igrališta u neposrednoj blizini džamije. Krajem 2016. godine imenovan je za koordinatorka projekta „Mreža mladih“ za područje Općine Vogošća i na tom položaju je ostao do maja 2021. godine.
- Za vrijeme rada sa „Mrežom mladih“ organizovao je učenje dječije mukabele na pet lokacija u Vogošći, a hatme su se dvije godine zaredom poklanjale posljednjih dana Ramazana na mezaru rahmetli predsjednika Alije Izetbegovića, te je u Fondu memorijala Kantona Sarajevo organizovao iftar za učače mukabele na kojima je bilo prisutno po stotinu vogošćanske djece.
- Aktivnom saradnjom sa Općinskim načelnikom i službama pokrenuo je projekat iluminacije vogošćanskih džamija, te nabavke digitalnih tabli za šest vogošćanskih mekteba. U džematu Hotonj pokrenuo je projekat rekonstrukcije „Hadži Besim-begove“ džamije i u roku od četiri godine uspio je skoro do kraja dovesti rekonstrukciju džamije i vakufskog prostora oko džamije.
- Učestvovao je na više različitih seminara u zemlji i inostranstvu.